

言非隱非顯法說是真實悟此隱顯法
非愚亦非智付法已即現神變化火焚身
龍樹收五色舍利建塔塋之即赦王四十一
年壬辰歲也第十四祖龍樹尊者西天竺
國人也亦名龍勝始於毗羅尊者得法後至
南印度彼國之人多信福業聞尊者爲說妙

法述相謂曰人有福業世間第一徒言佛性
誰能覩之尊者曰汝欲見佛性先須除我慢
彼人曰佛性大小尊者曰非大非小非廣非
狹無福無報不死不生彼聞理勝悉迴初心
尊者復於座上現自在身如滿月輪一切衆
唯聞法音不覩師相彼衆中有長者子名迦
那提婆謂衆曰識此相否衆曰目所未覩安
能辨識提婆曰此是尊者現佛性體相以示
我等何以知之蓋以無相三昧形如滿月佛
性之義廓然虛明言訖輪相即隱復居本坐
而說偈言身現圓月相以表諸佛體說法
無其形用辨非聲色彼衆聞偈頓悟無生

咸願出家以求解脫尊者即爲剃髮命諸聖
授具其國先有外道五千餘人作大幻術衆
皆宗仰尊者悉爲化之令歸三寶復造大智
度論中論十二門論垂之於世後告上首弟
子迦那提婆曰如來大法眼藏今當付汝聽
吾偈言爲明隱顯法方說解脫理於法心

不證無嗔亦無喜付法訖入月輪三昧廣
現神變復就本坐凝然禪寂迦那提婆與諸
四衆共建寶塔以葬焉即秦始皇三十五年
己丑歲也

七柰

景德傳燈錄卷第一

景德傳燈錄卷第二

天竺三十五祖內三十二祖旁出
一十三祖見錄

振二

第十五祖迦那提婆第十六祖羅睺羅多
第十七祖僧伽難提第十八祖伽耶舍多
第十九祖鳩摩羅多第二十祖闍夜多
第二十一祖婆修盤頭第二十二祖摩擎羅

王君書

第二十三祖鶴勒那

旁因出達磨達一祖一達磨達出二祖一
求因陀羅二瞿曇一祖一達磨達出二祖一
戶利帝一跋摩尸利帝一祖一達磨達出二祖一
茂破摩尸利帝一祖一達磨達出二祖一
二達摩帝出二祖一摩帝一祖一達磨達出二祖一
三祖一摩帝三藐陀羅出三祖一摩帝一祖一
婆多僧伽羅又出五祖一曉舍也多羅二毗羅出
摩羅多摩三毘栗芻多羅四優波羅跋
婆多提多共二十祖無語句不錄

第二十五祖婆舍斯多

第二十六祖不如蜜多

第二十七祖般若多羅

第十五祖迦那提婆者南天竺國人也姓毗
舍羅初求福業兼樂辯論後謁龍樹大士將
及門龍樹知是智人先遣侍者以蒲鉢水置
於坐前尊者覩之即以一針投而進之欣然
契會龍樹即爲說法不起於坐見月輪相唯
聞其聲不見其形尊者語衆曰今此瑞者師
現佛性表說法非聲色也尊者既得法後至
毗羅國彼有長者曰梵摩淨德一日園樹生
大耳如菌味甚美唯長者與第二子羅睺羅

第二十四祖師子尊者

多取而食之取已隨長盡而復生自餘親屬
皆不能見時尊者知其宿因遂至其家長者
問其故尊者曰汝家昔曾供養一比丘道眼
未明以虛霧信施故報爲木菌惟汝與子精
誠供養得以享之餘即否矣又問長者年多
少答曰七十有九尊者乃說偈曰 入道不

通理復身還信施汝年八十一此樹不生耳

長者聞偈弥加歎伏且曰弟子衰老不能事
師願捨次子隨師出家尊者曰昔如來記此
子當第二五百年爲大教主今之相遇蓋符
宿因即剃髮執侍至色連弗城聞諸外道欲
障佛法計之既久尊者乃執長幡入彼衆中
彼問尊者曰汝何不前尊者曰汝何不後又
曰汝似賤人尊者曰汝似良人又曰汝解何
法尊者曰汝百不解又曰我欲得佛尊者曰
我酌然得佛又曰汝不得尊者曰元道我
得汝實不得又曰汝既不得云何言得尊者
曰汝有我故所以不得我無我故我自當得

彼詞既屈乃問師曰汝名何等尊者曰我名迦那提婆彼既夙聞師名乃悔過致謝時衆中猶互興問難尊者析以無礙之辯由是歸伏乃告上足羅睺羅多而付法眼偈曰本對傳法人爲說解脫理於法實無證無終亦無始尊者說偈已入奮迅定身放八光

而歸寂滅學衆興塔而供養之即前漢文帝十九年庚辰歲也第十六祖羅睺羅多者迦毗羅國人也行化至室羅筏城有河名曰金水其味殊美中流復現五佛影尊者告衆曰此河之源凡五百里有聖者僧伽難提居於彼處佛誌一千年後當紹聖位語已領諸學衆泝流而上至彼見僧伽難提安坐入定尊者與衆伺之經三七日方從定起尊者問曰汝身定耶心定耶曰身心俱定尊者曰身心俱定何有出入曰雖有出入不失定相如金在井金體常寂尊者曰若金在井若金出井金無動靜何物出入曰言金動靜何物出

入許金出入金非動靜尊者曰若金在井出者何金若金出井在者何物曰金若出井在者非金金若在井出者非物尊者曰此義不然曰彼理非著尊者曰此義當墮曰彼義不成尊者曰彼義不成我義成矣曰我義雖成法非我故尊者曰我義已成我無我故曰我無我故復成何義尊者曰我無我故故成汝義曰仁者師於何聖得是無我尊者曰我師迦那提婆證是無我曰誓首提婆師而出於仁者仁者無我故我欲師仁者尊者曰我已無我故汝須見我我汝若師我故知我非我我難提心意豁然即求度脫尊者曰汝心自在非我所繫語已即以右手擎金鉢舉至梵宮取彼香飯持齋大衆而大衆忽生厭惡之心尊者曰非我之咎汝等自業即命僧伽難提分坐同食衆復訝之尊者曰汝不得食皆由此故當知與吾分坐者即過去娑羅樹王如來也愍物降迹汝輩亦莊嚴劫中已至三

卷二

三

果而未證無漏者也衆曰我師神力斯可信矣彼云過去佛者即竊疑焉僧伽難提知衆生慢乃曰世尊在日世界平正無有丘陵江河溝洫水悉甘美草木滋茂國土豐盈無八苦行十善自雙樹示滅八百餘年世界丘墟樹木枯悴人無至信正念輕微不信真如唯

愛神力言訖以右手漸展入地至金剛輪際取甘露水以琉璃器持至會所大衆見之即時欽慕悔過作禮於是尊者命僧伽難提而付法眼偈曰
於法實無證不取亦不離法非有無相內外云何起
尊者付法已安坐歸寂四衆建塔此當前漢武帝二十八年戊辰歲也
第十七祖僧伽難提者室羅閱城寶莊嚴王之子也生而能言常讚佛事七歲即狀世樂以偈告其父母曰
稽首大慈父和南骨血母我今欲出家幸願哀愍故父母固止之遂終日不食乃許其在家出家號僧伽難提復命沙門禪利多爲之師積十

九載未曾退倦尊者每自念言身居王宮胡爲出家一夕天光下屬見一路坦平不覺徐行約十里許至大巖前有石窟焉乃燕寂于中父旣失子即擯禪利多出國訪尋其子不知所在經十年尊者得法受記已行化至摩提國忽有涼風襲衆身心悅適非常而不知

接三

四

其然尊者曰此道德之風也當有聖者出世嗣續祖燈乎言訖以神力攝諸大衆遊歷山谷食頃至一峯下謂衆曰此峯頂有紫雲如蓋聖人居此矣即與大衆徘徊久之見山舍一童子持圓鑑直造尊者前尊者問汝幾歲邪曰百歲尊者曰汝年尚幼何言百歲曰我不會理正百歲耳尊者曰汝善機耶曰佛言若人生百歲不會諸佛機未若生一日而得決了之師曰汝手中者當何所表童曰諸佛大圓鑑內外無瑕翳兩人同得見心眼皆相似彼父母聞子語即捨令出家尊者携至本處受具戒訖名伽耶舍多他時聞風吹殿銅

鈴聲尊者問師曰鈴鳴耶風鳴耶師曰非風
非鈴我心鳴耳尊者曰心復誰乎師曰俱寂
靜故尊者曰善哉善哉繼吾道者非子而誰
即付法偈曰心地本無生因地從緣起緣
種不相妨華果亦復尔尊者付法已右手
攀樹而化大衆議曰尊者樹下歸寂其垂蔭

後裔平將奉全身於高原建塔衆力不能舉
即就樹下起塔當前漢昭帝十三年丁未歲
也第十八祖伽耶舍多者摩提國人也姓
鬱頭藍父天蓋母方聖嘗夢大神持鑑因而
有娠凡七日而誕肌體瑩如琉璃未嘗洗沐
自然香潔幼好閑靜語非常童持鑑出遊遇

五

難提尊者得度領徒至大月氏國見一婆羅
門舍有異氣尊者將入彼舍舍主鳩摩羅多
問曰是何徒衆曰是佛弟子彼聞佛號心神
竦然即時閉戶尊者良久自扣其門羅多曰
此舍無人尊者曰荅無者誰羅多聞語知是
異人遽開關延接尊者曰昔世尊記曰吾滅

後一千年有大士出現於月氏國紹隆玄化
今汝值吾應斯嘉運於是鳩摩羅多發宿命
智投誠出家受具訖付法偈曰有種有心
地因緣能發萌於緣不相礙當生生不生
尊者付法已踊身虛空現十八種神變化火
光三昧自焚其身衆以舍利起塔當前漢成

帝二十年戊申歲也第十九祖鳩摩羅多
者大月氏國婆羅門之子也昔爲自在天人
欲界第六天第見菩薩瓔珞忽起愛心墮生忉利界
欲界第二天聞憍尸迦說般若波羅蜜多以法勝故
外于梵天絕以根利故善說法要諸天尊爲
導師以繼祖時至遂降月氏後至中天竺國

有大士名闍夜多問曰我家父母素信三寶
而嘗縛疾療凡所營作皆不如意而我鄰家
久爲旃陀羅行而身常勇健所作和合彼何
幸而我何辜尊者曰何足疑乎且善惡之報
有三時焉凡人恒見仁天暴壽逆吉義凶便
謂士因果虛罪福殊不知影響相隨毫釐靡

亦縱經百千萬劫亦不磨滅時闍夜多聞是語已頗釋所疑尊者曰汝雖已信三業而未明業從惑生惑因識有識依不覺不覺依心本清淨無生滅無造作無報應無勝負寂寂然靈靈然汝若入此法門可與諸佛同矣一切善惡有爲無爲皆如夢幻闍夜多承言

領旨即發宿慧懇求出家既受具尊者告曰吾今寂滅時至汝當紹行化迹乃付法眼偈曰性上本無生爲對求人說於法既無得何懷決不決師曰此是妙音如來見性清淨之句汝宜傳布後學言訖即於座上以指爪務而如紅蓮開出大光明照耀四衆而入

寂滅闍夜多起塔當新室十四年壬午歲也第二十祖闍夜多者北天竺國人也智慧淵沖化導無量後至羅闍城敷揚頓教彼有學衆唯尚辯論爲之首者名婆修盤頭備行常一食不卧六時禮佛清淨無欲爲衆所歸尊者將欲度之先問彼衆曰此褊行頭陀能修

梵行可得佛道乎衆曰我師精進何故不可尊者曰汝師與道遠矣設苦行歷於塵劫皆虛妄之本也衆曰尊者蘊何德行而譏我師尊者曰我不求道亦不顛倒我不禮佛亦不輕慢我不長坐亦不懈怠我不一食亦不雜食我不知足亦不貪欲心無所希名之曰道

時偏行聞已發無漏智歡喜讚歎尊者又語彼衆曰會吾語否吾所以然者爲其求道心切夫弦急即斷故吾不贊令其住安樂地入諸佛智復告偏行曰吾適對衆抑挫仁者得無惱於衷乎曰我憶念七劫前生常安樂國師於智者月淨記我非久當證斯陀含果時

有大光明菩薩出世我以老故策杖禮謁師叱我曰重子輕父一何鄙哉時我自謂無過請師示之師曰汝禮大光明菩薩以杖倚壁畫佛面以此過慢遂失二果我責躬悔過已來聞諸惡言如風如響况今獲飲無上甘露而反生熱惱耶惟願大慈以妙道垂誨薦吾

汝父植衆德當繼吾宗聽吾偈曰 言下合無生同於法界性若能如是解通達事理竟尊者付法已不起於坐奄然歸寂闍維收舍利建塔當後漢明帝十七年甲戌歲也第二十一祖婆修盤頭者羅閱城人也姓毗舍佞性光蓋母嚴一家富而無子父母禱于

佛塔而求嗣焉一夕母夢吞明暗二珠覺而有孕經七日有一羅漢名賢衆至其家光蓋設禮賢衆端坐受之嚴一出拜賢衆避席云迴禮法身大士光蓋罔測其由遂取一寶珠跪獻賢衆試其真僞賢衆即受之殊無遜謝光蓋不能忍問曰我是丈夫致禮不顧我妻何德尊者避之賢衆曰我受禮納珠貴福汝耳汝婦懷聖子生當爲世燈慧日故吾避之非重女人也賢衆又曰汝婦當生二子一名婆修盤頭則吾所尊者也二名芻尼此云野昔如來在雪山修道芻尼巢於頂上佛既成道芻尼受報爲那提國王佛記云汝至第二

五百年生羅閱城毗舍佞性與聖同胞今無爽矣後一月果產二子尊者婆修盤頭年至十五禮光度羅漢出家感毘婆訶菩薩與之授戒行化至那提國彼王名常自在有二子一名摩訶羅次名摩擎羅王尊者曰羅閱城土風與此何異尊者曰彼土曾三佛出世今

王國有一師化導曰二師者誰尊者曰佛記第二五百年有一神力大士出家繼聖即王之次子摩擎羅是其一也吾雖德薄敢當其一王曰誠如尊者所言當捨此子作沙門尊者曰善哉大王能遵佛旨即與受具付法偈曰 泡幻同無礙如何不了悟達法在其中

非今亦非古 尊者付法已踊身高半由旬屹然而住四衆仰瞻虔請復坐跏趺而逝茶毘得舍利建塔當後漢殤帝十二年丁巳歲也第二十二祖摩擎羅者那提國常自在王之子也年三十遇婆修祖師出家傳法至西印度彼國王名得度即瞿曇種族歸依佛乘勤

卷二

行精進一日於行道處現一小塔欲取供養衆莫能舉王即大會梵行禪觀呪術等三衆欲問所疑時尊者亦赴此會是三衆皆莫能辯尊者即爲王廣說塔之所因阿育王造塔不繁錄今之出現王福力之所致也王聞是說乃曰至聖難逢世樂非久即傳位太子授祖出家七日而證四果尊者深加慰誨曰汝居此國善自度人今異域有大法器吾當化令得度曰師應迹十方動念當至寧勞往耶尊者曰然於是焚香遙語月氏國鶴勒那比丘曰汝在彼國教導鶴衆道果將證宜自知之時鶴勒那爲彼國王寶印說修多羅偈忽覩異香成德王曰是何祥也曰此是西印度傳佛心印祖師摩擎羅將至先降信香耳曰此師神力何如答曰此師遠承佛記當於此土廣宣玄化時王與鶴勒那俱遙作禮尊者知已即辭得度比丘往月氏國受王與鶴勒那供養後鶴勒那問尊者曰我止林間已經九白度印

以一年有弟子龍子者幼而聰慧我於三世推窮莫知其本尊者曰此子於第五劫中生妙喜國婆羅門家曾以栴檀施於佛宇作槌撞鍾受報聰敏爲衆欽仰又問我有何緣而感鶴衆尊者曰汝第四劫中嘗爲比丘當赴會龍宮汝諸弟子咸欲隨從汝觀五百衆中無有一人堪任妙供時諸子曰師常說法於食等者於法亦等今既不然何聖之有汝即令赴會自汝捨生趣生轉化諸國其五百弟子以福微德薄生於羽族今感汝之惠故爲鶴衆相隨鶴勒那聞語曰以何方便令彼解脫尊者曰我有無上法寶汝當聽受化未來際而說偈曰心隨萬境轉轉處實能幽隨流認得性無喜復無憂時鶴衆聞偈飛鳴而去尊者跏趺寂然奄化鶴勒那與寶印王起塔當後漢桓帝十九年乙巳歲也

第二十三祖鶴勒那者勒那梵語鶴即華言故名月氏國人也姓婆羅門父千勝母金

振一

九

光以無子故擣于七佛金幢即夢須彌山頂
一神童持金環云我來也覺而有孕年七歲
遊行聚落覩民間淫祀乃入廟叱之曰汝妄
興禍福幻惑於人歲費牲牢傷害斯甚言訖
廟貌忽然而壞由是鄉黨謂之聖子年二十
二出家三十遇摩擎羅尊者付法眼藏行化
至中印度彼國王名無畏海崇信佛道尊者
爲說正法次王忽見二人緋素服拜尊者王
問曰此何人也師曰此是日月天子吾昔曾
爲說法故來禮耳良久不見唯聞異香王曰
日月國土總有多少尊者曰千釋迦佛所化
世界各有百億迷盧日月我若廣說即不能

護持乃說偈曰 認得心性時可說不思議
了了無可得得時不說知 師子比丘聞偈
欣懶然未曉將罹何難尊者乃密示之言訖
現十八變而歸寂闇維畢分舍利各欲興塔
尊者復現空中而說偈曰 一法一切法一
切一法攝吾身非有無何分一切塔 大衆
盡王聞忻然時尊者演無上道度有緣衆以
上足龍子早夭有兄師子博通彊記事婆羅
門厥師旣逝弟復云亡乃歸依于尊者而問
曰我欲求道當何用心尊者曰汝欲求道無
所用心曰旣無用心誰作佛事尊者曰汝若
有用即非功德汝若無作即是佛事經云我

所作功德而無我所故師子聞是言已即入
佛慧時尊者忽指東北問云是何氣象師子
曰我見氣如白虹貫乎天地復有黑氣五道
橫亘其中尊者曰其兆云何曰莫可知矣尊
者曰吾滅後五十年北天竺國當有難起嬰
在汝身吾將滅矣今以法眼付囑於汝善自
據二

衆被責憤愧而來尊者曰仁者習定何當來此既至于此胡云習定曰我雖來此心亦不亂定隨人習豈在處所尊者曰仁者既來其習亦至既無處所豈在人偈曰定習人故非人習定我雖來此其定常習尊者曰人非習定定習人故當自來時其定誰習彼曰如淨

明珠內外無翳定若通達必當如此師曰定若通達一似明珠今見仁者非珠之徒彼曰其珠明徹內外悉定我心不亂猶若此淨師曰其珠無內外仁者何能定微物非動搖此定不是淨達摩達蒙尊者開悟心地朗然尊者既攝五衆名聞遐邇方求法嗣遇一長者

振二士

引其子問尊者曰此子名斯多當生便拳左手今既長矣而終未能舒願尊者示其宿因尊者觀之即以手接曰可還我珠童子遽開手奉珠衆皆驚異尊者曰吾前報爲僧有童子名婆舍吾嘗赴西海齋受覲珠付之今還吾珠理固然矣長者遂捨其子出家尊者即

與受具以前緣故名婆舍斯多尊者即謂之曰吾師密有懸記罹難非久如來正法眼藏今轉付汝汝應保護普潤來際偈曰正說知見時知見俱是心當心即知見知見即于今尊者說偈已以僧伽梨衣密付斯多俾之他國隨機演化斯多受教直抵南天尊者以難不可以苟免獨留罽賓時本國有外道二人一名摩目多二名都落遮學諸幻法欲共謀亂乃盜爲釋子形像潛入王宮且曰不成即罪歸佛子妖既自作禍亦旋踵事既敗王果怒曰吾素歸心三寶何乃構害一至于斯即命破毀伽藍祛除釋衆又自秉劍至尊者所問曰師得蘊空否尊者曰已得蘊空曰離生死否尊者曰已離生死曰既離生死可施我頭尊者曰身非我有何慘於頭王即揮刃斷尊者首涌白乳高數尺王之右臂旋亦墮地七日而終太子光首歎曰我父何故自取其禍時有象白山懲人者深明因果即爲

光首廣宣宿因解其疑網事具聖胄集及寶林傳遂以
師子尊者報體而建塔焉當魏齊王二十年
己卯歲也師子尊者付婆舍斯多心法信依
爲正嗣外傍出達磨達四世二十二師

第二十五祖婆舍斯多者罽賓國人也姓婆
羅門父寂行母常安樂初母夢得神劍因而

有孕既誕拳左手遇師子尊者顯發宿因密
受心印後邇南天至中印度彼國王名迦勝
設禮供養時有外道號無我尊先爲王禮重
嫉祖之至欲輿論義幸而勝之以固其事乃
於王前謂祖曰我解默論不假言說祖曰孰
知勝負曰不爭勝負但取其義祖曰汝以何

爲義曰無心爲義祖曰汝旣無心安得義乎
曰我說無心當名非義祖曰汝說無心當名
非義我說非心當義非名曰當義非名誰能
辨義祖曰汝名非義此名何名曰爲辨非義
是名無名祖曰名旣非名義亦非義辨者是
誰當辨何物如是往返五十九翻外道杜口

振二

信伏于時祖忽然面北合掌長吁曰我師師
子尊者今日遇難斯可傷焉即辭王南邇達
于南天潛隱山谷時彼國王名天德迎請供
養王有二子一凶暴而色力充盛一柔和而
長嬰疾苦祖乃爲陳因果王即頓釋所疑又
有呪術師忌祖之道乃潛置毒藥于飲食中

祖知而食之彼返受禍遂投祖出家祖即與
受具後六十載太子得勝即位復信外道致
難于祖太子不如密多以進諫彼囚王還問
祖曰予國素絕妖說師所傳者當是何宗祖
曰王國昔來實無邪法我所得者即是佛宗
曰王曰佛滅已千二百載師從誰得耶祖曰歟
王曰佛滅已千二百載師從誰得耶祖曰歟
振三

太子太子遂求出家祖問太子曰汝欲出家當爲何事曰我若出家不爲別事祖曰不爲何事曰不爲俗事祖曰當爲何事曰當爲佛事祖曰太子智慧天至必諸聖降迹即許出家六年侍奉後於王宮受具羯磨之際大地震動頗多靈異祖乃命之曰吾已衰朽安可久留汝當善護正法眼藏普濟群有聽吾偈曰聖人說知見當境無是非我今悟真性無道亦無理不如密多聞偈再啓祖曰法衣宜可傳授祖曰此衣爲難故假以證明汝身無難何假其衣化被十方人自信向不如密多聞語作禮而退祖現于神變化三昧火自焚平地舍利可高一尺德勝王割浮圖而松之當東晉明帝太寧三年乙酉歲也第二十六祖不如密多者南印度德勝王之太子也既受度得法至東印度彼王名堅固奉外道師長爪梵志暨尊者將至王與梵志同覩白氣貫于上下王曰斯何瑞也梵志預

知尊者入境恐王遷善乃曰此是魔來之兆耳何瑞之有即鳩諸徒衆議曰不如密多將入都城誰能挫之弟子曰我等各有呪術可以動天地入水火何患哉尊者至先見宮牆有黑氣乃曰小難耳直詣王所王曰師來何爲尊者曰將度衆生白以何法度尊者曰各

以其類度之時梵志聞言不勝其怒即以幻法化大山於尊者頂上尊者指之忽在彼衆頭上梵志等怖懼投尊者尊者愍其愚惑再指之化山隨滅乃爲王演說法要俾趣真乘又謂王曰此國當有聖人而繼於我是時有婆羅門子年二十許幼失父母不知名氏或

自言纓絡故人謂之纓絡童子遊行閭里丐求度日若常不輕之類人問汝何行急即答云汝何行慢或問何姓乃云與汝同姓莫知其故後王與尊者同車而出見纓絡童子稽首於前尊者曰汝憶往事否曰我念遠劫中與師同居師演摩訶般若我轉甚深脩多羅

今日之事蓋契昔因尊者又謂王曰此童子非他即大勢至菩薩是也此聖之後復出二人一人化南印度一人緣在震旦四五年內却返此方遂以昔因故名般若多羅付法眼藏偈曰真性心地藏無頭亦無尾應緣而化物方便呼爲智尊者付法已即辭王曰

吾化緣已終當歸寂滅願王於最上乘無忘外護即還本座跏趺而逝化火自焚王收舍利塔而瘞於倒之當東晉孝武帝太元十三年戊子歲也第二十七祖般若多羅者東印度人也既得法已行化至南印度彼王名香至崇奉佛乘尊重供養度越倫等又施無

價寶珠時王有三子其季開士也尊者欲試其所得乃以所施珠問三王子曰此珠圓明有能及此否第一子月淨多羅第二子功德多羅皆曰此珠七寶中尊固無踰也非尊者道力孰能受之第三子菩提多羅曰此是世寶未足爲上於諸寶中法寶爲上此是世

未足爲上於諸光中智光爲上此是世明未足爲上於諸明中心明爲上此珠光明不能自照要假智光光辯於此既辯此已即知是珠旣知是珠即明其寶若明其寶寶不自寶若辯其珠珠不自珠珠不自珠者要假智珠而辯世珠寶不自寶者要假智寶以明法寶

然則師有其道其寶即現衆生有道心寶亦然尊者歎其辯慧乃復問曰於諸物中何物無相曰於諸物中不起無相又問於諸物中何物最高曰於諸物中人我最高又問於諸物中何物最大曰於諸物中法性最大尊者知是法嗣以時尚未至且默而混之及香至王厭世衆皆號絕唯第三子菩提多羅於柩前入定經七日而出乃求出家旣受具戒尊者告曰如來以正法眼付大迦葉如是展轉乃至於我我今囑汝聽吾偈曰心地生諸種因事復生理果滿菩提圓華開世界起尊者付法已即於座上起立舒左右手各放

光明二十七道五色光耀又踊身虛空高七
多羅樹化火自焚空中舍利如雨收以建塔
當宋孝武帝大明元年丁酉歲也

景德傳燈錄卷第二

十五末

派
二

第三十祖僧璨大師

第三十一祖道信大師勞人見第四卷

察側界務鄰之反坐祖卧叱尺栗屹魚乞鴻

第二十八祖善提達磨者南天竺國香至王
第三子也姓刹利帝本名菩提多羅後遇二
十七祖般若多羅至本國受王供養知師密
迹因試令與二兄辨所施寶珠發明心要既
而尊者謂曰汝於諸法已得通量夫達磨者

景德傳燈錄卷第三

振二

中華五祖并旁出算宿共二十五人

第二十八祖菩提達磨旁出三道人

居禪旁師出三道人一副禪師

錄三語左句總不持無據

師旁出六出共一十
七人見錄

僧那禪師
向居士

向居士

通大之義也宜名達磨因改號菩提達磨師
乃告尊者曰我既得法當往何國而作佛事
願垂開示尊者曰汝雖得法未可遠遊且止
南天竺待吾滅後六十七載當往震旦設大
法藥直接上根慎勿速行稟於日下師又曰彼
有大士堪爲法器否千載之下有留難否尊

相州慧滿禪師

師峴山
華閑

居神士定大福

大辭士師化

公寶月和公禪

慧滿禪師峴山神定禪師寶月禪師
華閑居士和公摩雲遠
三定華閑居士化公和公
大定人一
大覺林寺一
明覺出高
明練出高
楊州
靜泰
已
慧簡
慧綱
慧影
慧雲
慧影
慧雲
慧影
太合
慧雲